



'S toigh le tuathanaich a bhith a' faicinn currcagan nan achaidhean oir tha iad ag ithe meanbh-fhrìdean, gu h-àraidh cruimhean na corra-bainne agus toranaich, a tha nam plaigh don tuathanach. Tha a' churrcag a' dèanamh sloc bheag anns an talamh airson a nead agus tha dath nan uighean gam falach gu math. Tha stuthan ceimiceach agus innealan trom na tuathanais a' cur às do na neadan agus tha a' churrcag a-nis a' fuireach anns na liantan no anns a' bhogalaich a tha mun cuairt.

Is toigh le seillein an clòbhar a bhitheas an tuathanach a' cur do na beathaichean a tha a' feurach. Bithidh iad a' sgèith bho fhlùr gu flùr 's a' giùlain poilean a tha a' steigeadh riutha bho aon fhlùr chun an ath fhear. Tha seo a' cuideachadh le bhith dèanamh cinnteach gum bi barrachd fhlùran ann an ath bhliadhna. Is e mil a th' air a' bhiadh a bhitheas na seillein a' dèanamh airson a' gheamhraidh agus is toigh le beathaichean eile e cuideachd, daoine nam measg sin!

Is àbhaist do bharrachd air trian de dhealain-dè Bhreatainn a bhith a' brìeadh air tuathanais. Feumaidh dealain-dè eadar-dhealaichte diofar fhlùran airson biadh agus airson an uighean a bhreith. Ma thig na burrais a-mach air an lus cheàrr airson ithe cha bhi cothrom cho math aca air a bhith beò.



'S fheàrr leis an dealan-dearg deanntagan ithe agus 's fheàrr leis an dealan-dathteach cluarain. 'S e feur as fheàrr leis an dealan-donn agus is toigh leis an dealan-gorm am barra-mhislein. Mar sin tha feum anns gach pàirt den tuathanais do dhealain-dè eadar-dhealaichte. Feuch an lorg thu na dealain-dè sin ann an leabhar fiosrachaidh.

